

校正
大字評註
王鳳洲
綱鑑彙纂

上海
文瑞樓
印行

1-10

資治明紀綱目序

編年之書奚啻數十百家而必以朱子通鑑綱目為準通鑑綱目蓋祖述春秋之義雖取裁於司馬氏之書而明天統正人紀昭監戒著幾微得春秋大居正之義雖司馬氏有不能窺其藩籬者其他蓋不必指數矣嘗謂讀書立言之士論世為難非如朱子具格致誠正之功明治亂興衰之故其於筆削鮮有不任予奪之私失褒貶之公者自綱目成而義指正大條理精密後凡有所依據踵而續之由宋迄元釐然方策至明代君臣事蹟編輯之難更倍於諸書蓋明史已成於百年之後而世變風漓記載失實若復遲待將何以繼續編而示來許堯_三命儒臣法朱子通鑑綱目義例增損編摩大書以提要分注以備言每一卷成呈覽朕於幾暇亦時御丹鉛為之參定雖於天人一貫之精微未之能盡而惟是謹嚴之義守而弗失簡正之旨志而必勉書即成羣臣舉唐太宗之事為言勉從其請而為之序云

乾隆十一年夏四月朔日御製并書

乾隆四年八月初七日内閣奉

上諭編年紀事之體昉自春秋宋司馬光纂前代諸史為資治通鑑年經月緯事實
詳明朱子因之成通鑑綱目書法謹嚴得聖人褒貶是非之義後人續修宋元綱
目上繼紫陽與正史紀傳相為表裏便於檢閱洵不可少之書也今武英殿刊刻
明史將次告竣應仿朱子義例編纂明紀綱目傳示來茲著開列滿漢大臣職名
候朕酌派總裁官其事其慎簡儒臣以任分修及開館編緝事宜大學士詳
議具奏特諭欽此

奉
經筵日講官起居注太保保和殿大學士兼史張廷玉等言臣等

勅編次

資治通鑑綱目三編告竣謹奉

表恭

進者竊惟屬辭比事教起於春秋繫月編年法沿於紀載世綿千祀史閱百家宋
溫國羅衆典以創鴻裁章程大備子朱子括羣言以標定論體例彌嚴洎乎成化
諸儒續有宋元通鑑惟勝國興衰之迹在史官紀述之司事雖具於編摩義未昭

於筆削秉權衡而不爽功之鉅者恒難垂典則於無窮道之明也有待欽惟

皇帝陛下以

天宣之聰而遜敏有

日新之德而緝熙敦志經考典之功闡稽古右文之治

凝神乙夜縱覽千秋謂纂述相承莫精於綱目而典型具在獨闕於有明宜遵曩哲之遺規用勒前朝之成迹於是

親披汗簡

特秉鴻裁貫終始以立常經參異同而衡定案準平繩直提綱則義極謹嚴縷析條分舉目則事期精覈覈之正史汰臣僚飾美之詞證以羣編削野稗存疑之說翦裁枝葉綜括綱維褒誅定而褒貶施法戒明而丹青炳揆以考亭之法則

聖合於賢登諸闕里之編則經尊於史昔者通史緝於梁后徒侈辭華晉書斷自唐宗無關體要未有

乾心作範

睿式裁模昭懲惡勸善之方闡守經達權之教藻鏡開而天地朗奉以無私璇衡正而古今平歸其有極信聖人之述作極盛於茲蓋天下之文章莫大乎是臣等

叨陪綴緝預列參稽學史而未擅三長受經而漸窺五體稟
訓言以成統貫多愧專門承

指授以悟淵微竊欣盛遇伏願

天文光被

淵覽宏開布在黌宮登之冊府踵麟編而高步藻耀六經俯狐史而旁羅牢籠百世
乾坤不朽精華實於羣心日月齊懸軌度永垂於奕世謹將

明紀資治通鑑綱目釐為二十卷繕寫清本裝成兩函謹奉

表恭

進以

聞

乾隆十一年四月二十七日

大

學

士

伯臣張廷玉

兵

部

右

侍

郎臣王會汾

日講官起居注翰林院侍講學士

臣周長發

原

品

休

致

侍

讀

學

士

臣楊椿

椿

內

閣

侍

讀

臣蘇崇阿

阿

國子監司業臣鶴年

翰林院編修臣柏謙

翰林院編修臣張映斗

翰林院編修臣朱荃

翰林院編修臣朱佩蓮

翰林院庶吉士臣章愷

內閣中書臣吳麟

明紀綱目

總目錄

第一卷

起戊申元順帝至正二十八年明太祖
洪武元年盡壬子明太祖洪武五年

凡五年

第二卷

起癸丑明太祖洪武六年盡
丙寅明太祖洪武十九年

凡十四年

第三卷

起丁卯明太祖洪武二十年盡
戊寅明太祖洪武三十一年

凡十二年

第四卷

起己卯明惠帝建文元年
盡己丑明成祖永樂七年

凡十一年

第五卷

起庚寅明成祖永樂八年
盡乙巳明仁宗洪熙元年

凡十六年

第六卷

起丙午明宣宗宣德元年
盡癸亥明英宗正統八年

凡十八年

第七卷

起甲子明英宗正統九年
盡丙子明景帝景泰七年

凡十三年

第八卷

起丁丑明英宗天順元年
盡癸未明憲宗成化六年

凡十四年

第九卷

起辛卯明憲宗成化七年盡
丁未明憲宗成化二十三年

凡十七年

第十卷

起戊申明孝宗弘治元年盡
乙丑明孝宗弘治十八年

凡十八年

第十一卷

起丙寅明武宗正德元年盡
辛巳明武宗正德十六年

凡十六年

第十二卷

起壬午明世宗嘉靖元年盡
乙未明世宗嘉靖十四年

凡十四年

第十三卷

起丙申明世宗嘉靖十五年盡
壬子明世宗嘉靖三十一年

凡十七年

第十四卷

起癸丑明世宗嘉靖三十二年
盡壬申明穆宗隆慶六年

凡二十年

第十五卷

起癸酉明神宗萬曆元年
盡辛卯明神宗萬曆十九年

凡十九年

第十六卷

起壬辰明神宗萬曆二十年
盡壬子明神宗萬曆四十年

凡二十一年

第十七卷

起癸丑明神宗萬曆四十一年
盡庚申明光宗泰昌元年

凡八年

第十八卷

起辛酉明熹宗天啟元年
盡丁卯明熹宗天啟七年

凡七年

第十九卷

起戊辰明烈宗崇禎元年
盡丙子明烈宗崇禎九年

凡九年

第二十卷

起丁丑明烈宗崇禎十年
盡甲申明莊烈帝崇禎十七年五月

凡七年有奇

福唐桂三王本末附後

資治明紀綱目卷一

起戊申元順帝至正二十八年明太祖洪武元年盡壬子明太祖洪武五年

凡五年

元順帝至正二十八年○明太祖高皇帝洪武元年○是歲閏七月元帝出奔

春正月吳相國李善長等尊吳王朱元璋為皇帝國號明

元璋光世家沛徙句容再徙泗州父世珍始徙濠之鍾離母陳氏元璋始生室中數有光起以長姿貌雖傑志意廓然年十七父母相繼歿孤無所依及入皇覺寺為僧至正十二年從郭子興於濠州子興奇其狀貌留為親兵戰凱勝明年收里中兵得七百人子興署為鎮撫與徐達湯和等客定遠下滁州得李善長與語大悅之留掌書記十五年子興卒劉福通立韓林兒於亳徽元璋為副元帥不受遂渡江拔牛渚下太平取集慶路以次畧定江左二十四年自立為吳王建百官遂降陳理執張士誠走方國珍盡有淮南浙東江西荆楚地二十七年命諸將北定中原善長帥百官勸進乃以是年春正月乙亥祀天地於南郊即皇帝位建元洪武

追尊祖考為皇帝

高祖考曰元皇帝廟號德祖曾祖考曰恒皇帝廟號懿祖祖考曰裕皇帝廟號熙祖考曰淳皇帝廟號仁祖妣皆皇后

立妃馬氏為皇后世子標為皇太子

后郭子興撫女也仁慈有智鑒好書史帝既定江南吳漢接境戰爭無虛日皇后手緝甲士衣履佐軍嘗言治天下以不殺人為本帝善之既即

位致官后族后謝曰爵祿私外家罪法力辭而止乃追封后父馬公徐王修墓置廟標后長子也

以李善長為左丞相徐達為右丞相

善長少習法家言有智計帝嘗從容問曰四方戰鬪何時定善長對曰漢高祖起布衣路遠大度知人善任五載成帝業今元綱既紊天下土崩瓦

解公濠產距沛不遠山川王氣公當受之法其所為天下不足定也帝稱善諸將來歸者善長察其材言之帝復為帝布款誠使皆得自安帝深倚之自將征討皆命居守轉調兵餉無之害請立禁鹽法斟酌元制去其弊政用益饒而民不困帝稱吳王時拜右相國至是改官制尚左以為左丞相

征南將軍湯和克福建元平章陳友定死之

友定守閩帝命和由明州海道取福州胡美由江西趨杉關而別遣使至延平招友定友定置酒會諸將殺使者憑

血酒中與眾酌飲之誓已死守已聞杉關破急分軍為二以一軍守福而自帥一軍守延平和舟師拔福之五虎門鐵附登城守將遁去參政尹克仁宣政使桑耳麻不屈死會院柏帖木耳殺妻女縱火自焚死時胡美已克建甯和遂進攻延平友

定欲以持久困之諸將請出戰不許數請不已友定疑其部將殺一人軍士多出降者會軍器局毀城中殿聲震地明師知有變急攻之友定呼其屬與決退入省堂仰藥死所部開門納明師昇友定出水東門未絕也天大雷雨友定復甦械送京師入見帝詰之友定厲聲曰國破家亡死耳尚何言遂併其子殺之延平既下興化泉州皆望風附獨漳州路達魯花赤迷里彌實自殺時稱閩有三忠謂友定柏帖木耳迷里彌實也

元削擴廓帖木兒爵邑命亮魯李思齊討之

元既奪擴廓帖木兒兵分隸諸將擴廓退軍澤州元帝知擴廓勢孤乃詔李思齊等東出關與碩高合攻擴廓而令

關保以兵戍太原擴廓憤甚引軍據太原盡殺朝廷所置官吏於是元帝下詔削擴廓官爵令諸將四面討之

三月修女誠

帝謂翰林學士宋升等曰治天下以正家為先正家之道始於謹夫婦后妃雖母儀天下然不可俾與政

察之於未然其暴虐女誠及女賢后妃事可為法者使子孫知所持守

夏四月新州進竹簾却之

令四方無妄責獻

征南將軍廖永忠取廣東

永忠自福州以書諭元行省左丞相何真曉譬利害真即奉表迎降永忠至廣州降廣左丞相海寇鄧宗愚數其殘暴斬之廣人大悅馳諭九真曰南來崖僑耳三十餘城皆納

印請吏又遣陸仙亨署定清遠英德連州廣東悉平

征虜將軍徐達常遇春大破元兵於洛水北元梁王阿魯溫以河南降

徐達下山東會遇春於濟甯引舟師

汴河趨汴梁守將李克彝走左君弼王貞等降達自虎牢關入元守將脫因帖木兒以兵五萬陳洛水北遇春單騎突陳元兵二十餘騎搗棚刺之遇春一矢殲其前鋒大呼馳入元兵大潰追奔五十餘里梁王阿魯溫降嵩陳汝諸州次第畧定帝知汴梁既為開封府召徐達至行在命率師北伐諭之曰中原之民久為羣雄所苦故命將北伐拯民水火元祖宗功德在人其子孫固岬民隱天厭棄之君實有罪民則何辜前代革命之際肆行屠戮朕實不忍諸將毋肆焚掠妄殺一人元之宗戚咸俾安全庶幾上答天心下慰民望達頓首受命帝尋遣應天

都督馮勝克潼關

師取河南元李思齊張思道會兵駐潼關火焚思道營思齊修軍務遂辭明師攻潼關思齊奔鳳翔思道奔郿城

六月平章楊璟克廣西

璟攻永州元將鄧祖勝斂兵固守璟分營築壘造浮橋西江急攻之祖勝力盡仰藥死遂克永州以次定賓慶全州道州藍山諸州縣進攻靖江不下璟謂諸將曰彼所恃西濠水

耳其履岸破之必矣乃遣將殺守城兵盡決水築土堤五道傳城攻兩月會原水思亮祖自廣東取梧州定得桂鬱林亮祖以兵來會其制崇榮約降璋與之白帽為識夜半從寶賢門入執元平章也兒吉尼移師彬州降兩江土官黃英岑伯顏等永忠亦定南甯象州廣西悉平

秋閏七月元復擴廓帖木兒官爵命率師會諸將復河洛○明師克通州元帝奔上都八月徐達入元都元監國淮王帖木兒不花死之

徐達師發開封道樺將分道徇河北池連下衛輝彰德廣平次臨清使傅友德開陸道進步

騎顧時浚河通舟師會常遇春已克德州合兵取長蘆扼直沽作浮橋濟師水陸並進大敗元軍於河西務進克通州知樞密院事下顏帖木兒力戰被禽死之元帝詔淮王帖木兒不花監國以慶童為左丞相同守京城遂御清殿集三宮

后妃皇太子議避兵北行左丞相失列知樞密院事黑廝官者趙伯顏不花以為不可帝不聽伯顏不花慟哭曰天下者世祖之天下陛下當以死守奈何棄之卒不聽夜半開建德門北去達陳兵齊化門將土壇濠登城入淮王及左丞相慶童平章迭兒必失朴賽因不花右丞相張康伯御史中丞蒲州等不降殺之餘不戮一人封府庫及園囿寶物令指揮張勝以兵千人守宮殿門使宦者護視官人妃主禁士卒毋侵暴吏民安堵捷聞詔示天下以大都路為北平府置六衛

留都督副使孫興祖守之右丞薛瑄參政傅友德巡古北諸隘關口

以應天為南京開封為北京○始建六部

中書省初設四部掌錢穀禮儀刑名營造之務至是置吏戶禮兵刑工六部設尚書侍郎等官

詔赦詔赦殊死以下恤災征將士家通卒許自首輸贖道遠者官為轉運交荒以資開闢亂民復業者聽墾荒地復三年行聖公襲封及受曲阜知縣並如前代制有司以禮聘致賢士母非時決重囚除書籍田器稅貨通賦蒙古色

目人有才能者許擢用鯁直孤獨廢疾者存恤之民年七十以上復一子他利害當與革不在詔內者有司具以聞

帝如北京○放元宮人○江西行省參政陶安平

安博涉經史帝渡江時安自謁軍門陳王道吳元年徵諸儒議禮命安為總裁官諸禮率多安所裁

定馬至是卒追封始執郡公

冬十月帝還南京○十一月遣使訪求賢才○十二月徐達克太原元擴廓帖木兒走甘肅山西平

達既定元都進取山西常遇春先下保定中山真定馮勝湯和下懷慶度太行取澤潞擴廓遣將朵樂戰於韓店楊璟大敗會元帝自開平命擴廓復大都擴廓乃引兵出雁門由居庸以攻北平達聞之謂

為存亡則史既成書即當舉程墨之例獨雅明志以全臣節乃廉外履聲觀然以老臣自命其視馬道之不知廉恥相去幾何明祖以文天祥擬之且以余闕愧之其為貪生忘義示人示儆儆然嚴於斧鉞矣

諸將曰據耶達出太原必虛北平有孫都督足以禦之今乘敵不備直搗太原所謂犯亢擄虛者也彼若遣救太原遣退失據必成擒矣諸將皆曰善乃率師趨太原擴廓生保安聞之果遣救遇春謀於達曰我騎兵雖集步卒未至驟與戰必多殺傷若存殷之可得志達然之會擴廓將駱驤馬來約降請為內應達夜遣精騎襲其營擴廓方燃燭治軍營倉卒不知所出跳一足乘驕馬從十八騎遁詔驤馬降得甲士四萬達克太原乘勢收大同分遣馮勝等徇猗氏平陽絳州禽其守將榆次平遙介休以次下山西悉平

明太祖高皇帝洪武二年

己酉

春正月立功臣廟

帝親定功臣位次以徐達為首次常遇春李文忠鄧愈湯和沐英胡大海馮國用趙德勝耿再成華高丁德興

俞通海張瑄吳良吳楨曹良臣康茂才吳復莽成孫興祖凡二十一人立廟雞鳴山下死者像祀生者虛其位又以廖永安俞通海張瑄得勝桑世傑耿再成胡大海趙德勝七人配享太廟

免山東北平山西河南及畿內諸郡田租

○倭寇山東

○二月詔修元史

大都既克得元

詔修元史以左丞相善長監修前起居注宋濂漳州府通判王禕為總裁徵山林隱逸之士汪克寬胡翰陶凱曾魯高啓趙訪等十六人為纂修開六月書成而元統以後之史未備乃命儒士歐陽祐等往北平採遺事明年續修仍以濂禕總其事帝夢元儒臣問元政得失馮璽對曰元有天下以寬得之亦以寬失之帝曰但聞寬則得衆未聞以寬失之也大少急則頭強急則絕民急則亂居上正當用寬元李君脫於速懌其失在於縱弛實非寬也聖王之通寬而有制不以廢事為寬而而有節不以慢易為寬適中則無弊矣

元丞相也速侵通州平章曹良臣擊走之

大軍徇山西北平守備單弱曹良臣守通州兵不滿千人也速將萬騎營北河良臣曰吾兵少不可與戰當以計走之乃於頻

河舟中多立赤幟五十餘里鉦鼓聲相聞也速驚遁良臣出精騎逐北百餘里元兵自是不敢窺北平

帝耕籍田

○三月徐達克奉元常遇春克鳳翔

元將李思齊據鳳翔張思道孔興脫列伯等駐鹿臺以衛奉元徐達兵入關思道道去郭子興將輕騎直搗奉元守將葉城走御史桑哥失里即中玉可檢討阿失不花三原尹朱春俱抗節死遂改奉元路為西安府戶縣米三石民大悅遇春兵至鳳翔思齊奔臨洮

夏四月命博士孔克仁授諸子經

功臣子弟並令入學

馮勝徇臨洮李思齊降

時張思道弟良臣守慶陽徐達會諸將議所向皆曰張思道之才不如李思齊而慶陽易於臨洮請先慶陽達曰不然慶陽城險兵稍狎未易拔臨洮西控羌戎北界河湟得之其人足備戰

陶贊辭御眾以寬而其時始流放策未嘗少假所謂刑則無刑正善用其寬耳

庫庫特穆爾前此雖不免跋扈及元亡以後則獨力支持思為恢復之舉始終與明兵相持雖亦互有勝負其志不少屈撓明祖七致書而不答因益發憚至以奇男子自之則疾風勁草可見其乃心王室矣若李思齊初為僞強自專與諸將日專政殺罔恤國難迄宗社已移擁兵重鎮猶不知戮力效忠與張思道輩相倚賴以全西北一隅乃聞特以寶紼之禮執不戰而降其

閩物產足佐軍儲威以大軍恩齊不西走則束手就降矣臨洮既克於旁郡何有遠度龍克秦州下伏義寧遠入鞏昌遣馮勝通臨洮思齊果不戰降

三月朔日食○御史中丞章溢卒

天下紛紛何時定乎溢對曰天道無常惟德是賴惟不嗜殺人者能一之

耳浙東設按察使以溢為僉事督餉餉平諸寇數有功帝即位與劉基並拜御史中丞時建廷臣伺帝意多嚴苛溢獨

六月常遇春克開平元帝奔和林

遇春下鳳翔詔還備北平以李文忠副之師步騎九萬敗元將江文清於錦州敗也逮於全真進政大興州分千騎為八伏守將夜遁盡禽之遂拔

開平元帝北走追奔數百里獲其宗王慶生平章鼎住等斬之凡得將士萬人車萬輛馬三千匹十五萬頭肅北志平

秋七月征虜副將軍鄂國公常遇春卒於軍詔李文忠領其眾

遇春師次柳河川卒遇春沈驚果敗善撫士卒摧鋒陷陣未嘗

敗北雖不習書又用兵輒與古合嘗自言能將十萬眾橫行天下軍中稱常十萬長於大將軍連二歲總約永惟謹一時名將稱徐常及歸帝用宋太宗喪趙普故事臨於龍江追封開平王諡忠武

八月元兵及大同李文忠擊敗之

文忠會徐達攻慶陽行次太原聞大同圍急謂左丞趙肅曰關外之事苟利於國專之可也遂出雁門敗元遊兵於馬邑禽其平章劉帖木進至白

楊門天雨雪已駐營文忠令移前五里阻水自固元兵夜來劫堅壁不動質明敵大至以二營委之殊死戰敵疲乃出精兵左右擊大破之禽其將脫列伯俘戮萬餘人窮追至莽哥倉而還

定內侍官制

諭吏部曰內臣但備使令毋多人取之之道當使畏法勿令有功有功則驕恣矣

封王顯為高麗國王○徐達克慶陽禽張良臣斬之陝西平

達自臨兆下蘭州襲走元豫王齋收其部落輜重還出蕭關克平涼

張思道懼使其弟良臣守慶陽而自奔首見為擴廓所執良臣以慶陽降達達許願受之已而復叛傷顯達督兵圍之良臣求援於擴廓擴廓遣將攻原州陷涇陽為慶陽聲援達遣馮勝扼驛馬關敗其將良臣破圍久數出戰不利糧乏絕

至煮人汁九泥燕之守者遂開門降良臣父子俱投井引出斬之時元賀宗哲攻鳳翔指揮使金興旺與知府周煥嬰城守敵編判為大其形如半肋五人負之攻城矢石不能入投棄焚之輒颺起乃置鉤索中擣者其隙火遂熾敵無其走復

為地道海城攻不已會百戶王格收陷兆降卒還入城共守敵拔營去眾欲追之格曰未敗而還誘我也偵之至五里坡伏果發還師復圍城眾欲走興旺叱曰天子以城畀我豈可去耶以輅所將皆新附乃括城中貲令曰敵退當大犒新兵

新兵喜協力固守持十五日敵聞慶陽下乃引去

修禮書

明年書成
大明集禮

九月置中都

以臨濠為中都營城
闕宮殿如京師制

冬十月詔天下府州縣皆立學

三年

庚戌

春正月遣徐達李文忠分道北伐

時元王尚在近塞而擴廓犯蘭州指揮于光力戰死帝以達為大將軍文忠及馮勝鄧愈湯和副之分二道出兵達自潼關出

西道搆定西取擴廓文忠自居庸出東道絕大漠追元主二月文忠至興和降其守將進兵察罕腦兒禽元平章竹貞次駱駝山走平章沙不丁次開平降平章上都罕等

吏部請謫有罪於僭虐不許

帝曰前代謂僭虐為化外以處罪人朕今天下一家若有風俗未淳宜更擇良吏治之豈宜居罪人耶

二月追封郭子興為滁陽王○夏四月封子九人為王

挾王秦樞王晉棟王興櫛王吳楨王楚椿王齊梓王潭杞王趙禮王魯從孫守謙王

靖江櫛後
改王周

徐達大破元擴廓帖木兒於沈兒峪

達至安定擴廓退屯沈兒峪達進軍薄之隔溝而壘日數交戰擴廓遣精兵千餘人由間道劫東南壘左並胡德濟倉猝失據軍驚擾達親擊

却之德濟大海子也達械送京師而斬其下趙指揮等數人以徇明日整兵奪溝殊死戰大破擴廓兵禽郭王濟王及國公平章以下文武僚屬千八百餘人士卒八萬擴廓僅挾妻子數人奔和林遂自徽州南一百八度至畧陽克汧州達入

連雲棧攻興元取之鄧愈亦自臨洮進克河州德濟至京師帝釋之而以書諭達曰將軍效衛青不斬蘇建耳獨不見機直之待莊賈乎且將軍在軍中謀之則已今下廷議吾且念其信州諸暨功不忍加誅繼自今將軍毋事姑息

元帝殂於應昌

詔諡之曰順帝子
愛猷識里達臘立

五月始設科取士

時以天下初定令各行省選舉三年自後三年一舉鄉試以八月會試以二月

李文忠克應昌獲元賈的里八剌送京師

文忠聞元主卒督兵兼程進國應昌克之元嗣君愛猷識里達臘北走獲其子賈的里八剌及后妃諸王官屬數百人窮追至

北慶州而還道與州禽國公江文清等降三萬七
十人至紅羅山又降楊思祖之眾萬六千餘人

肺腸殆不如狗
義且覲顏招降
庫庫特穆爾詎
復知人間羞恥
事平斷臂而冥
誅隨及固快人
心然猶不若數
其罪而寸磔之
更足伸大義于
千古也
內臣但備使令
當使畏法勿令
有功者為制取
官寺要旨明祖
以此垂訓貽謀
不為不深乃未
數傳而闕登即
禮權恣橫至宋
李而流毒益甚
陳橋與邦若全
不知有此論者
可見子孫不遵
祖訓鮮能保其
令緒此特其一
端耳
封建不可行於
後世昔人已詳
論之若宋元之
亡本不由於祿
立且宋勢漸弱

是月旱六月帝親禱於山川壇越五日雨

帝嘗於西廡皇后躬執爨為農家食太子諸王饋於齋所帝素服草屨徒步詣壇席景暎日中夜卧於地凡三日詔省獄囚命

有司訪求通經術深明治道者越五日大雨

封賈的里八刺為崇禮侯

李文忠拔奏至羣臣稱賀帝命朝臣嘗仕元者勿賀賈的里八刺至京師羣臣請獻俘帝曰武王伐殷用之予省臣對唐太宗嘗行之帝曰是待王世充耳若過隋之子孫恐

不爾也令以本服朝見賜冠帶母后皆朝中宮賜第龍光山

立開中鹽法

山西行省請令商人於大同倉入米一石太原倉入米一石三斗給淮鹽二小引商人驚畢即以原引赴所在繳之帝從其請召商轉糧而與之鹽謂之開中其後各行省邊境多召商中鹽以備邊儲計道里遠

近自五石至一石有差

徙蘇松嘉湖杭民無業者田臨濠

凡四十餘人給牛種車糧資遣之三年不征稅其後復徙北平山後民散處諸府縣又徙沙漠遺民屯田北平又徙江南民十四萬於鳳陽又徙山

西民於河北又屢徙浙西及山西民於滁和北平山東河南終共武之世徙民最多

秋七月。中書右丞相楊憲有罪誅

憲有才辨裁決明敏然意刻深有不足於已者輒中傷之在中書欲盡易省中故事凡舊吏皆罷去更用已所親信者嗾侍御史劉炳劾罷丞相汪廣洋且請

從之廣南帝不從已復有所論劾帝覺其誣下炳獄炳吐實遂誅憲

冬十一月大封功臣

徙李善長韓國公徐達魏國公封李文忠曹國公馬勝宋國公鄧愈衛國公常遇春子茂卿國公楊和等侯者二十八人己入封汪廣洋忠勤伯御史中丞劉基誠意伯趙三日諸臣入謝帝

賜坐華蓋殿從容論取天下之畧曰朕起鄉里本圖自全及渡江以來觀羣雄所為徒為民害張士誠時當陳友諒時強朕獨無所恃惟不嗜殺人布信義行節儉與卿等同心共濟初與二寇相持士誠尤逼近或謂宜先擊之朕以友諒志驕士誠器小志驕則好生事器小則無遠圖故先攻友諒鄱陽之役士誠卒不能出姑蘇一步以為之援向使先攻士誠姑蘇堅守

友諒必空國而來吾腹背受敵矣及北定中原先山東次河洛止潼關之兵不遽取秦隴者以機耶帖木兒事思齊張思道皆百戰之餘未肯遽下急之則併力一隅猝未易定故出其不意反柿而北燕都既眾然後西

征張李望絕勢窮不戰而克然機耶帖木兒抗不屈向令未下燕都驟與用力則勝負未可知也

自正月至十二月日中屢有黑子詔求直言

明紀太祖高皇帝

四年春正月李善長罷以汪廣洋為右丞相胡惟庸為左丞相

善長貌寬和而性伎刻比進封大國意稍驕帝頗厭

之以疾致仕初帝嘗以吏事責善長劉基言善長數舊能調和諸將帝曰是數害君君乃為之地耶吾行相君矣基頓首曰是如易柱必得大木若求小木為之且立仆帝又嘗欲相楊憲憲素善基基力言不可曰憲有相才無相器大宰相者持心如水以禮義為權衡而已不與焉者也帝曰汪廣洋何如曰樸淺殆甚於憲又問胡惟庸曰譬之駕懼其僨轍也帝曰然則無適先生對曰基疾惡太甚又不耐煩劇為之且孤上思天下何患無才惟明主悉心求之目前諸人誠未見其可後憲惟庸廣洋皆敗如基言

以湯和為征西將軍傅友德為征虜前將軍帥師伐夏

夏主明昇聽吳友仁計不入朝帝假道征雲南不奉詔且數寇興元乃命將討之和

帥副將軍周德興廖永忠等以舟師由瞿塘趨重慶友德帥副將軍顧時以步騎由秦隴趨成都都督餉給軍

二月元平章劉益以遠東降

詔置遼東衛以益為指揮同知未幾元平章洪保馬彥瑩等謀殺益右丞張良佐又殺彥瑩保走依納哈山

夏六月湯和而下重慶夏明昇降

帝遣和友德也諭之曰蜀人聞我師西伐必悉精銳東守瞿塘北走金牛若出不意直搗瞿文門戶既腹心必潰兵資神速意不勇耳友德疾馳至映集

諸軍聲言出金牛而潛引兵趨陳倉舉援若谷晝夜行抵瞿州敗其將丁世珍克其城蜀人斷白龍江橋友德修橋以渡破五里關遂拔文州趙錦州漢江水源不得渡伐木造戰艦欲以軍聲通瞿塘乃削木為牌數千書克瞿文綿日月役漢水順流下蜀守者見之皆解體更丞相數壽等急分兵援漢州未至友德已破其守將向大亨於城下援師膽落友德迎擊大敗之遂拔漢州廖永忠兵至瞿塘阻鐵鎖橋不得進永忠密遣數百人持糧糧水筒昇小舟踰山度關出其上流蜀山多草木令將士皆衣青蓑衣而貫走崖石間度已至帥精銳出墨葉渡夜五鼓分兩軍以其水陸寨水軍皆以鐵裝船頭置火器而前黎明蜀人始覺進銳來拒永忠已破其六寨將士昇舟出江者一時並發上下夾攻大破之遂入夔府明日和始至乃分道進永忠帥舟師直衝重慶昇大懼面縛街壁與觀率官屬降於軍門和等承制撫慰之時友德進圍成都身中流矢不退將士殊死戰突其京陣象反走瞿塘死者甚眾遂降成都分兵徇州邑蜀地悉定

秋七月以方克勤知濟甯府

克勤為治以德化為本不喜近名曰近名必立威立威必缺民吾不忍也時詔民墾荒闕三歲乃稅吏不依朝徵民輒棄田去克勤稅如期區田為九等以等徵發吏不得為

奸立社學數百區葺孔子廟堂廷名士為師弟子繫籍者二千人歲夏即將督民築城克勤曰民方耕奈何每鋪重困之請知中書省得罷役會大旱遂大封濟甯人歌曰孰能我役使君之方孰活我泰使君之雨使君勿去我民父母

封明昇為歸義侯

昇至歸義侯請帝御殿受俘如孟昶降宋故事帝曰昇幼弱事由臣下與昶具免其伏地待罪之儀授歸義侯賜居第

九月朔日食○設糧長

詔以田多者為之督其鄉賦稅糧萬石長副各一人輸以時至得召見給合輒安推用其後官軍先運法行而糧長不廢科歛極滋為民害其屬弱者復為勢豪所凌耽延通負

率繫產以償還至順身喪家云

冬十二月逮漢中知府費震尋釋之

震以賢良徵為吉水知州寬惠得民權知漢中府歲凶多盜發倉粟十餘萬石貧民盜聞皆來歸鄰境民亦爭赴震令占宅自為保伍藉之得

數千家至是坐事被逮帝曰良吏也釋之以為牧民者勸投寶鈔局提舉

五年壬子春正月置親王護衛指揮使司

每王府設三護衛衛設左右前後中五所所千戶二人百戶十人

遣翰林院待制王禕使雲南被執不屈死

元梁王把匝剌瓦爾密鎮雲南大都不守順帝北去王歲遣使自塞外達元帝行在就臣節如故夏既平天下大定帝以雲南

辟遠難進兵而王所遣漢北使者蘇威適為北平守將所獲乃命禕齎詔偕威往招諭王待禕以禮會元主遣脫脫脫納雲南知禕在王所疑王有他意脅以危語王不得已禕出見之脫脫脫屈膝禕叱曰天既託汝元命燭火餘燼故與日月爭明耶我奉使遠來豈為汝屈遂自刎梁王具衣冠飲之

達自刎梁王具衣冠飲之

徙陳理明昇於高麗

或告陳理明昇有怨言帝曰童孺輩言語小過不足問但恐為小人蠱惑將不能保始終宜處之遠方則隙無自生乃徙高麗

遣徐達馮勝等分道征擴廓帖木兒達軍敗績勝敗元兵而還

帝以擴廓數擾邊命達為征虜大將軍出雁門趨和林李文忠為

左副將軍出居庸趨應昌勝為征西將軍出金闕取甘肅三月達先遣都督藍玉敗擴廓於土刺河五月擴廓與賀宗哲合兵拒達於嶺北達軍敗死者數萬人勝至蘭州達副將軍傅友德前驅再敗元兵拔甘肅下亦集乃路次則篤山元岐王朵兒只班遁去獲其平章長加奴等二十七人友德復追至瓜沙州斬獲甚眾文忠至阿魯渾河馬中流矢指揮李榮以所乘馬授文忠而自奮敵馬乘之文忠殊死戰遂破敵追奔至稱海推平蠻士而還

以鄧愈為征南將軍討湖南廣西蠻

辰豐諸蠻作亂帝命愈往討以周德興吳良副之愈出澧州討散毛諸洞蠻德興出南甯討婁鳳安因諸州蠻民出靖州討會同五開潭溪古

州諸蠻

悉平之

元自順帝北居沙漠子孫相繼嗣位襲其故號

二月安南陳叔明弒其王日煜而自立遣使入貢却之

叔明篡立懼討遣使入貢以覲朝廷意主客曹已受表主事曹魯取封白簡書詰